



**KENYATAAN MEDIA**  
**ISLAMIC RELIEF MALAYSIA**  
**24 MAC 2018**

---

***FLASH MOB* IRM PAPAR ISU KEMANUSIAAN GLOBAL**

---

**KUALA LUMPUR, 24 Mac** – Islamic Relief Malaysia (IRM) melancarkan Kempen #SalamRamadan 1439H di pusat beli belah MyTown, Cheras hari ini sempena menyambut bulan Ramadan yang bakal tiba.

Majlis pelancaran yang disempurnakan oleh Ketua Pegawai Eksekutif IRM, Zairulshahfuddin Zainal Abidin itu bertujuan untuk memberi pendedahan mengenai kempen Ramadan yang dijalankan disamping untuk meningkatkan kesedaran orang ramai terhadap isu kemanusiaan global yang acapkali berlaku.

“Melalui kempen ini, IRM menyasar kutipan dana sebanyak RM10 juta untuk pelbagai sektor bantuan seperti Kesihatan, Makanan, Pendidikan, Air, Sanitasi & Kebersihan, Perlindungan, Orang Kelainan Upaya (OKU) serta Anak Yatim,” ujar Zairulshahfuddin

Dalam majlis pelancaran itu, satu persembahan *flash mob* oleh kakitangan serta sukarelawan IRM berjaya memikat perhatian orang awam yang mengunjungi pusat beli belah tersebut melalui sketsa kemanusiaan yang ditonjolkan.

“Apa yang cuba disampaikan oleh IRM melalui persembahan tarian kilas (*flash mob*) yang diadakan adalah mengenai kepentingan bersedekah dan impaknya.

“Situasi yang dipaparkan pula merangkumi pelbagai sektor seperti bencana gempa bumi, kemarau dan kebuluran serta pendidikan,” tambah Zairulshahfuddin.

Kempen #SalamRamadan IRM tahun ini memberi impak kepada 63,000 penerima manfaat di Malaysia dan 3.4 juta penerima manfaat di luar negara melalui pelbagai projek; Pek Makanan Ramadan, mySedekah, Projek Tempatan, Projek Antarabangsa, Kecemasan, Wakaf, Al-Yateem dan lain-lain.

Majlis pelancaran hari ini turut mendapat sokongan pihak MyTown dan Santai Penyet.

### **Pek Makanan Ramadan**

Agihan pek makanan Ramadan merupakan program bermusim Islamic Relief bagi memberi bantuan makanan asas kepada penerima manfaat di seluruh dunia untuk bekalan sepanjang bulan Ramadan. Selain Malaysia, pelbagai negara lain turut melaksanakan aktiviti yang sama seperti Bangladesh, Bosnia & Herzegovina, Chad, Ethiopia, India, Iraq, Jordan, Kenya, Kosovo, Lebanon, Syria, Palestine (Gaza), Palestin (Tebing Barat), Yaman dan lain-lain. Melalui program bantuan ini, setiap keluarga penerima manfaat akan dibekalkan dengan pek makanan asas mengikut keperluan negara masing-masing.

**Bagi Malaysia**, pek makanan mengandungi makanan asas seperti beras, gula, tepung, minyak masak, garam dan lain-lain. Penerima manfaat yang terpilih adalah terdiri daripada golongan fakir, miskin, ibu tunggal, anak-anak yatim, Orang Kelainan Upaya (OKU), warga emas dan golongan yang layak mengikut penilaian serta kriteria yang ditetapkan oleh IRM. Bagi tahun 2018, IRM menyasarkan agihan 6,000 pek makanan Ramadan di seluruh Malaysia dan 3,540 pek makanan di lebih 30 negara.

Tahun	Agihan Tempatan		Agihan Antarabangsa	
	Jumlah Pek Makanan	Jumlah Penerima Manfaat	Jumlah Pek Makanan (Melalui IRM)	Jumlah Pek Makanan (Melalui Seluruh IR)
2014	10,100	50,500	4,350	214,155
2015	8,040	40,200	5,270	188,834
2016	6,043	23,115	5,270	188,834
2017	5,631	27,371	2,905	240,669
2018	6,000	30,000	3,540	299,163

*Jumlah bantuan pek makanan IRM (2014-2018)*

### **Mengenai Islamic Relief (IR)**

Diasaskan di United Kingdom pada tahun 1984, Islamic Relief Worldwide (IR) merupakan sebuah organisasi bantuan dan pembangunan amal antarabangsa yang bebas dan bukan berpaksikan politik. IR diiktiraf sebagai sebuah badan bukan kerajaan dengan status perundingan khas sejak tahun 1993 oleh Majlis Ekonomi & Sosial PBB (UNECOSOC). IR menyediakan bantuan kemanusiaan dalam pelbagai bidang termasuk bantuan kecemasan, pembangunan mampan sosial bersepadu (termasuk perubatan, pembangunan komuniti, pendidikan, kehidupan, tempat tinggal, psikososial) dan pengurangan risiko bencana. IR membantu mereka yang memerlukan tanpa mengira kaum, agama, jantina atau kefahaman politik tanpa mengharapkan sebarang balasan.

Sejak 1984, IR telah berkhidmat di lebih 45 buah negara dan mempunyai rangkaian tetap di lebih 35 buah negara merangkumi 100 buah cawangan di seluruh dunia yang bertanggungjawab untuk menyelaras, menjana dana dan melaksanakan program-program IR.

YABhg. Tun Dr. Mahathir Mohamad telah melancarkan penubuhan IRM pada tahun 2005, bertujuan untuk meneruskan bantuan kemanusiaan IR di rantau Asia-Pasifik. Kini, IRM berperanan sebagai pejabat penjana dana (bagi projek antarabangsa & tempatan) dan pelaksana projek tempatan.

Untuk mendapatkan maklumat lanjut mengenai program kemanusiaan IRM, sila layari laman web rasmi IRM iaitu [www.islamic-relief.org.my](http://www.islamic-relief.org.my) atau hubungi IRM di talian tetap 03-8926 3434.

Bagi mereka yang ingin membuat sumbangan, salurkan sumbangan anda ke nombor-nombor akaun berikut atas nama Islamic Relief Malaysia :

**MAYBANK ISLAMIC | 5621 4270 8704**

**CIMB ISLAMIC | 860 2073818**

**BANK ISLAM | 12 029 01 006564 3**

**AFFIN ISLAMIC | 10 671 000278 4**

**BANK RAKYAT | 11080 10000 35**

atau melalui :

**CHARITY SHOPPE | TUNAI / KAD KREDIT**

**MOBILE APPS | IR Malaysia**

Zairulshahfuddin Zainal Abidin  
Ketua Pegawai Eksekutif, Islamic Relief Malaysia

- Tamat-

---

**Dikeluarkan oleh,  
Islamic Relief Malaysia (IRM)-Reg No: 657354-W  
A-05-1, Paragon Point, Jalan Medan PB5, Seksyen 9,  
Pusat Bandar, 43650 Bandar Baru Bangi, Selangor**  
Untuk maklumat lanjut, sila hubungi **Unit Media**  
di talian 03-8926 3434, faks 03-8925 3434 atau  
emel: [Malaysia.Media@islamic-relief.org.my](mailto:Malaysia.Media@islamic-relief.org.my)